

GARIS PANDUAN PERMOHONAN POTONGAN CUKAI DI BAWAH SUBSEKSYEN 34(6)(h) AKTA CUKAI PENDAPATAN 1967 KE ATAS SUMBANGAN ATAU PENAJAAN *SMART ARTIFICIAL INTELLIGENCE - DRIVEN REVERSE VENDING MACHINE* BAGI MAKSUD PENGIRAAN CUKAI PENDAPATAN

Tujuan

Garis panduan ini bertujuan memberi penjelasan berhubung dengan kriteria dan prosedur am permohonan potongan cukai di bawah Subseksyen 34(6)(h) Akta Cukai Pendapatan 1967 ke atas sumbangan atau penajaan *Smart Artificial Intelligence (AI) - Driven Reverse Vending Machine (RVM)* bagi maksud pengiraan cukai pendapatan.

Latar Belakang

Pembangunan perbandaran serta peningkatan penduduk yang pesat memberi kesan kepada peningkatan jumlah sisa pepejal domestik dan industri terutama plastik yang mendatangkan kesan buruk kepada pembangunan sosioekonomi Malaysia. Selain menjejaskan kualiti kehidupan rakyat, sisa plastik yang tidak diurus dengan baik ini memberikan kesan yang signifikan terhadap ekonomi dan alam sekitar negara ini.

Pelan Hala Tuju Kelestarian Plastik Malaysia 2021 - 2030 telah menggariskan strategi dan pelan tindakan untuk menangani masalah pencemaran plastik ini secara mampan dalam memastikan kemakmuran ekonomi, kesihatan dan kesejahteraan sosial negara. Ia turut berperanan sebagai panduan kepada semua pihak berkepentingan dalam memastikan kelestarian plastik mencapai tahap ekosistem kitaran plastik yang lebih besar di Malaysia. Salah satu strategi di bawah Pelan Hala Tuju ini ialah memastikan agar material plastik dapat dikitar semula dan digunakan semula selama yang boleh, yang boleh dicapai melalui pengukuhan aktiviti pengumpulan dan penyisihan sisa plastik.

Antara yang telah dikenal pasti dapat membantu menyumbang ke arah sistem pengurusan plastik yang lebih lestari adalah melalui penggunaan aplikasi moden dan berteknologi tinggi dalam membantu usaha dan aktiviti kitar semula bagi memastikan penglibatan serta komitmen berterusan dari masyarakat. Teknologi AI telah diadaptasi dalam pengumpulan sisa plastik melalui penggunaan *Smart AI-Driven RVM*.

Melalui Belanjawan 2023, potongan cukai di bawah Subseksyen 34(6)(h) Akta Cukai Pendapatan 1967 telah diberikan ke atas sumbangan atau penajaan *Smart AI - Driven RVM*. Bagi terus menyokong amalan kitar semula sisa plastik sebagai sumber ekonomi dan memastikan kadar *collected-for-recycling* dapat ditingkatkan, potongan cukai ke atas sumbangan atau penajaan *Smart AI - Driven RVM* telah dilanjutkan untuk tempoh dua (2) tahun sebagaimana yang diumumkan dalam Belanjawan 2025.

Bentuk Sumbangan Yang Layak Mendapat Potongan Cukai

Wang tunai atau pembiayaan bagi *smart vending machine* yang menerapkan unsur teknologi *smart artificial intelligence (AI)*.

Pihak Yang Layak Memohon Potongan Cukai

Syarikat dan selain syarikat iaitu individu, perkongsian, badan amanah dan koperasi yang mempunyai pendapatan perniagaan.

Pengesahan Sumbangan

Wang Tunai / Pembiayaan

- (i) Penyumbang hendaklah mengemukakan **resit rasmi / surat akuterima / surat perjanjian pembiayaan** serta menentukan nilai wang tunai / peralatan / perkhidmatan daripada Kementerian Sumber Asli dan Kelestarian Alam (NRES) berserta dengan cop rasmi berdasarkan format seperti di **Lampiran I dan II**; dan
- (ii) Surat perjanjian pembiayaan perlu menyatakan tempoh, lokasi dan no. siri peralatan yang dibekalkan.

Prosedur Am Memohon Kelulusan Menteri Kewangan

Penyumbang hendaklah membuat permohonan bagi mendapat kelulusan potongan cukai daripada Menteri Kewangan secara bertulis dengan mengemukakan maklumat berdasarkan format di **Lampiran III**.

Permohonan yang lengkap dikemukakan kepada:

Setiausaha Bahagian Cukai
Perbendaharaan Malaysia
Tingkat 6, Blok Tengah, Kompleks Kementerian Kewangan
Presint 2, Pusat Pentadbiran Kerajaan Persekutuan
62592 Putrajaya

Prosedur Menikmati Potongan Cukai Dari Lembaga Hasil Dalam Negeri

Tuntutan ke atas potongan bagi sumbangan kepada projek komuniti/amal yang telah diluluskan hendaklah dibuat dalam Borang Nyata Cukai Pendapatan bagi tahun taksiran yang berkenaan. Dokumen berikut hendaklah disimpan dengan baik untuk tujuan audit oleh Lembaga Hasil Dalam Negeri:

- (i) Surat kelulusan asal oleh Menteri Kewangan;
- (ii) Surat akuan terima sumbangan daripada badan penerima;
- (iii) Surat pengesahan nilai perkhidmatan / nilai kos projek daripada agensi Kerajaan berkaitan; dan
- (iv) Resit / invois berkaitan dengan pembiayaan projek.

Tarikh Kuat Kuasa

Bagi permohonan yang diterima oleh Kementerian Kewangan mulai 1 Januari 2025 hingga 31 Disember 2026.

Bahagian Cukai
Perbendaharaan Malaysia

Kepala Surat Penerima

No. Rujukan:

Tarikh:

YAB Menteri Kewangan

Surat Akuterima Sumbangan / Penajaan *Smart Artificial Intelligence (AI) - Driven Reverse Vending Machine*

Saya No. Kad Pengenalan
berjawatan mengaku
telah menerima sumbangan wang tunai / pembiayaan daripada
..... pada..... bernilai RM..... Sumbangan ini
adalah bagi projek yang telah pun diluluskan
oleh Kementerian Kewangan melalui surat bil bertarikh
Butiran penempatan adalah seperti berikut:

Lokasi RVM:

No. Siri:

Sekian.

(Tandatangan)

.....

Nama:

Cop badan penerima:

LAMPIRAN II

Kepala Surat Kementerian Sumber Asli dan Kelestarian Alam

No. Rujukan:

Tarikh:

Kepada:

YAB Menteri Kewangan

**Pengesahan Nilai Kos Sumbangan / Penajaan *Smart Artificial Intelligence (AI)* -
*Driven Reverse Vending Machine***

Saya..... No. Kad Pengenalan..... berjawatan
..... mengesahkan bahawa nilai perkhidmatan /
pembiayaan projek yang diluluskan oleh Kementerian Kewangan melalui surat bil
.....bertarikh.....adalah berjumlah RM.....

Saya juga mengesahkan bahawa pembiayaan / tajaan tersebut telahpun dibuat
sepenuhnya bagi tempohButiran penempatan adalah di:
(Lokasi RVM) dan No siri seperti berikut

Sekian.

(tanda tangan)

.....

Nama:

Cop Jabatan:

LAMPIRAN III

PERMOHONAN POTONGAN CUKAI DI BAWAH SUBSEKSYEN 34(6)(h) AKTA CUKAI PENDAPATAN 1967 KE ATAS SUMBANGAN ATAU PENAJAAN *SMART ARTIFICIAL INTELLIGENCE (AI) - DRIVEN REVERSE VENDING MACHINE*

i. Butir - Butir Pemohon:

Nama	
No. Pendaftaran Syarikat/ Pertubuhan	
Alamat	
No. Telefon	
E-mel	

ii. Butir - Butir Sumbangan:

Keterangan Projek/ Program	Pelan Hala Tuju Kelestarian Plastik Malaysia 2021 - 2030: <i>(Smart Artificial Intelligence (AI)-Driven Reverse Vending Machine)</i>
Bentuk sumbangan	Wang Tunai / Pembiayaan
Jumlah/Nilai Sumbangan	
Keterangan Sumbangan	
Tarikh Sumbangan	
Nama Agensi / Badan Penerima / Lokasi	
Bidang Projek / Program	Projek pemuliharaan atau pemeliharaan alam sekitar (Pengumpulan dan penyisihan sisa plastik dan aluminium)

Akuan Pemohon

Saya mengaku segala maklumat/dokumen yang diberi dalam borang ini adalah benar. Sekiranya didapati terdapat maklumat/dokumen yang diberi adalah palsu, kelulusan yang diberi boleh ditarik balik.

Tanda tangan pemohon:

Tarikh:

Cop rasmi syarikat/pertubuhan: